

Magali

O Magali, ma tant aimada,
Passa la tèsta al fenestron !
Escota un pauc aquela aubada
De tamborins e de violons
Es plen d'estèlas aperamont,
L'aura es tombada
Mai lis estèlas palliràn
Quand te veirà !

-Pas mai que dal murmur di brondas
De ton aubada ièu fau cas !
Mas ièu me'n vau dins la mar blonda
Me faire anguiala de rocàs.
-O Magali, se tu te fas
Lo peis de l'onda
Ièu lo pescaire me farai
Te pescarai !

-O mai, se tu te fas pescaire,
Ti vertolets quand gitaràs,
Ièu me farai l'aucèu volaire,
M'envolarai dins li campàs.
-O Magali, se tu te fas
L'aucèu de l'aire,
Ièu lo caçaire me farai,
T'agantarai !

-Vai, calinhaire, corre, corre,
Jamai, jamai m'agantaràs.
Ièu, de la rusca d'un grand ròure
Me vestirai dins lo boscàs
-O Magali, se tu te fas
L'arbre di morres,
Ièu lo clòt d'eurre me farai,
T'embràçarai !

-Ara comenci enfin de crèire
Que non me parlas en risènt.
Vaquí mon anelon de veire
Per sovenènça, ò bèu jovènt !
-O Magali, me fas de bèn !
Mai, trè te veire,
Vei lis estèlas, ò Magali,
Coma an pallit.

Tradicional